

UM (Timur) Isnin 25/8/14 m/s 27

UMP anjur Pameran Inovasi dan Teknologi Hijau

KUANTAN 24 Ogos - Universiti Malaysia Pahang (UMP) akan menganjurkan Pameran Inovasi dan Teknologi Hijau (IGE 2014) yang berlangsung pada Selasa ini bertempat di Hotel Swiss Garden di sini.

Pameran yang julung kali diadakan ini melibatkan penyertaan kakitangan dan pelajar daripada institut pengajian tinggi (IPT), politeknik, kolej kemahiran, sekolah menengah, sekolah teknik, dan sekolah vokasional.

Pengerusi program terse-

but, Profesor Madya Dr. Rizalman Mamat berkata, penganjuran pameran ini bertujuan untuk memupuk budaya idea kreatif di kalangan komuniti dalam menghasilkan produk berteraskan penjimatan dan mesra alam.

"Pameran ini merupakan usaha UMP bagi mewujudkan hubungan baik universiti bersama institusi pendidikan yang lain dan juga masyarakat setempat.

"Antara yang bakal menyer-

tai pameran adalah Universiti Malaysia Kelantan (UMK), Kolej Automotif Antarabangsa Malaysia (ICAM), Kolej Komuniti Hulu Langat, Kolej Vokasional Tengku Ampuan Afzan, Kolej Kemahiran Tinggi Kuantan dan Sekolah Berasrama Penuh Integrasi (SBPI) Kuantan.

"Orang ramai yang berkunjung bakal menyaksikan penghasilan produk reka cipta berinovasi termasuklah produk 'Smart Green Watering System', 'Eco-Air Purifier', '2R Cutting Waste' dan

'Eco-Rain Design of Harvesting Rainwater'" katanya.

Bersempena dengan itu juga, akan berlangsung Persidangan Antarabangsa Inovasi Automotif dan Kenderaan Tenaga Hijau (AIGEV) anjuran Pusat Kejuruteraan Automotif UMP.

Majlis tersebut dijangka dihadiri Naib Canselor UMP, Profesor Datuk Dr. Daing Nasir Ibrahim dan Ketua Pegawai Eksekutif Majlis Pembangunan ECER, Datuk Jebasingam Is-sace John.